




宋書卷十

梁

沈

約

撰

本紀第十

順帝

順皇帝諱準字仲謀小字智觀明帝第三子也泰始五年七月癸丑生七年封安成王食邑三千戶仍拜撫軍將軍置佐史廢帝卽位爲揚州刺史元徽二年進號車騎將軍都督揚南豫二州諸軍事給鼓吹一部刺史如故四年又進號驃騎大將軍開府儀同三司班劍三十人都督刺史如故元徽五年七月戊子夜廢帝殞奉迎王入居朝堂壬辰卽皇帝位昇明元年改元大赦天下賜文武位二等甲午鎮軍將軍齊王出鎮東城輔政作相丙申詔曰露臺息構義光漢德雉焚制事隆晉道故以檢奢軌化敦儉馭俗頃旬服未靜師旅連年委蓄屢空勞敝莫偃而丹雘之飾糜耗難訾寶賂之費徵賦靡計今車服儀制寶宜約損使徽章有序勿得侈溢可罷省御府二署凡工麗彫鐫傷風毀法一皆禁斷庶永昭憲則弘茲始政征西大將軍荊州刺史沈攸之進號車騎大將軍開府儀同三司尙書左僕射中領軍鎮軍將軍南兖州刺史齊王爲司空錄尙書事驃騎大將軍刺史如故中書令衛將軍開府儀同三司撫軍將軍劉秉爲尙

書令加中軍將軍安西將軍鄧州刺史晉熙王燮爲撫軍將軍揚州刺史南陽王劼爲鄧州刺史辛丑尙書右僕射王僧虔爲尚書僕射右衛將軍劉繹爲中領軍金紫光祿大夫王琨爲右光祿大夫給司空齊王錢五百萬布五千匹癸卯車駕謁太廟丙午以安西參軍明慶符爲青冀二州刺史武陵王贊爲鄧州刺史新除鄧州刺史南陽王劼爲湘州刺史司空南兗州刺史齊王改領南徐州刺史征虜將軍李安民爲南兗州刺史離州大水八月壬子遣使賑卹蠲除稅調以驃騎長史劉澄之爲南豫州刺史山陽太守于天寶新吳縣子秦立有學下獄死戊午改平準署辛酉以宣城太守李靈謙爲兗州刺史癸亥司空袁粲鎮石頭丁卯原除元年前進調復郡縣祿田戊辰崇拜帝所生陳昭華爲皇太妃庚午司空長史謝朓衛軍長史江數中書侍郎褚炫武陵王文學劉侯入直殿省參侍文義齊王固讓司空庚辰以爲驃騎大將軍開府儀同三司九月己丑詔曰昔聖王旣沒清風已衰絕書永湮龍圖長祕故三代之末德刑相授世淪物競道敝人諛然猶正士比數奇才接軫朕襲運金樞纂靈瑞極負展巡政日晏忘疲永言興替望古盈慮姬夏典載猶傳緇帙漢魏餘文布在方冊故元封興茂才之制地節勑獨行之品振維務本存乎得人今可宣下州郡搜揚幽仄擗采鄉邑隨名薦上朕將親覽甄其茂異庶野無遺彥永激遐芬己酉廬陵王勳薨冬十一月己酉倭國遣使獻方物丙午員外散騎侍郎胡羨生行越州刺史以交州刺史沈

景德爲廣州刺史十二月丁巳以驍騎將軍王廣之爲徐州刺史車騎大將軍荊州刺史沈攸之舉兵反
丁卯錄公齊王入守朝堂侍中蕭嶷鎮東府戊辰內外警嚴己巳以郢州刺史武陵王贊爲安西將軍荆
州刺史征虜將軍離州刺史張敬兒進號鎮軍將軍右衛將軍黃回爲平西將軍郢州刺史督諸軍前鋒
南討征虜將軍呂安國爲湘州刺史都官尙書王寬加平西將軍庚午新除左衛將軍齊王世子奉新除
撫軍將軍揚州刺史晉熙王璽鎮尋陽之益城壬申以驍騎將軍周槃龍謂廣州刺史是日司徒袁粲據
石頭反尙書令劉秉黃門侍郎劉述冠軍王叢率衆赴之黃回及輔國將軍孫曇瓘屯騎校尉王宜興輔
國將軍任侯伯左軍將軍彭文之密相響應中領軍劉韞直閣將軍卜伯興在殿內同謀錄公齊王誅韞
等於省內軍主蘇烈王天生薛道淵戴僧靜等陷石頭斬粲於城內秉述躡城走追擒之並伏誅其餘
無所問豫州刺史劉懷珍離州刺史張敬兒廣州刺史陳顯達並舉義兵司州刺史姚道和梁州刺史范
栢年湘州行事庾佩玉擁衆懷貳甲戌大赦天下乙亥以尙書僕射王僧虔爲尙書左僕射新除中書令
王延之爲尙書右僕射吳郡太守劉遐據郡反輔國將軍張瓌討斬之閏月辛巳屯騎校尉王宜興有舉
伏誅癸巳沈攸之攻圍郢城前軍長史柳世隆固守攸之弟登之作亂於吳興吳興太守沈文秀討斬之
己亥內外戒嚴假錄公齊王黃鉞辛丑寧朔將軍北秦州刺史武都王楊文慶進號征西將軍乙巳錄公

齊王出頓新亭

二年春正月沈攸之遣將公孫方平據西陽辛酉建寧太守張謨擊破之丁卯沈攸之自郢城奔散己巳華容縣民斬送之左將軍豫州刺史劉懷珍進號平南將軍辛未鎮軍將軍離州刺史張敬兒克江陵斬攸之子光琰荊州平同逆皆伏誅丙子解嚴以新除侍中柳世隆爲尙書右僕射是日錄公齊王旋鎮東府丁丑以江州刺史邵陵王友爲安南將軍豫州刺史左衛將軍齊王世子爲江州刺史侍中蕭嶷爲領軍鎮軍將軍離州刺史張敬兒進號征西將軍平西將軍鄧州刺史黃回進號鎮西將軍二月庚辰以尙書左僕射王僧虔爲尙書令尙書右僕射王延之爲尙書左僕射癸未錄公齊王加授太尉衛將軍褚淵爲中書監司空甲申曲赦荊州丙戌撫軍將軍揚州刺史晉熙王燮進號中軍將軍開府儀同三司戊子蠡離州緣沔居民前被水災者租布三年辛卯鄧州刺史新除鎮南將軍黃回爲鎮北將軍南兖州刺史南兖州刺史李安民爲鄧州刺史癸巳以山陰令傅琰爲益州刺史丙申左軍將軍彭文之有學下獄死行湘州事任侯伯殺前湘州行事庾佩玉傳首京邑三月庚戌以廣州刺史周槃龍爲司州刺史輔國將軍劉俊爲廣州刺史丙子給太尉齊王羽葆鼓吹夏四月己卯以游擊將軍垣崇祖爲兖州刺史辛卯新除鎮北將軍南兖州刺史黃回有學賜死甲午輔國將軍淮南宣城二郡太守蕭映行南兖州刺史五月

戊午倭國王武遣使獻方物以武爲安東大將軍輔國將軍行湘州事任侯伯有學伏誅六月己丑以前
新會太守趙超民爲交州刺史丁酉以輔國將軍楊文弘爲北秦州刺史封武都王八月辛卯太尉齊王
表斷奇飾麗服凡十有四條乙未以江州刺史齊王世子爲領軍將軍撫軍將軍丙申以領軍蕭嶷爲江
州刺史九月乙巳朔日有蝕之丙午加太尉齊王黃鉞都督中外諸軍事太傅領揚州牧劍履上殿入朝
不趨贊拜不名置左右長史司馬從事中郎掾屬各四人中軍將軍揚州刺史晉熙王璽爲司徒戊申行
南兗州刺史蕭映爲南兗州刺史甲寅給太傅齊王三望車己未芮芮國遣使獻方物癸酉武陵內史張
澹有旱下獄死冬十月丁丑寧朔將軍淮南宣城二郡太守蕭晃爲豫州刺史孫曇瓘先逃亡己卯擒獲
伏誅壬寅立皇后謝氏滅死學一等五歲刑以下悉原十二月壬子立故武昌太守劉琨悉頒爲南豐縣
王癸亥臨豐侯劉晃謀反晃及黨與皆伏誅甲子改封南陽王勰爲隨郡王改隨陽郡十二月丙戌皇后
見于太廟戊子高麗國遣使獻方物

三年春正月甲辰以江州刺史蕭嶷爲鎮西將軍荊州刺史尙書左僕射王延之爲安南將軍江州刺史
安西長史蕭順之爲郢州刺史乙卯太傅齊王表諸貢官物質役者悉原除辛亥以驍騎將軍王玄邈爲
梁南秦二州刺史領軍將軍撫軍將軍齊王世子加尙書僕射進號中軍大將軍開府儀同三司丙辰加

太傅齊王前部羽葆鼓吹丁巳詔太傅府依舊辟召以征西將軍離州刺史張敬兒爲護軍將軍新除給事黃門侍郎蕭諱爲離州刺史二月丙子安南將軍南豫州刺史邵陵王友薨三月癸卯朔日有蝕之甲辰崇太傅爲相國總百揆封十郡爲齊公備九錫之禮加璽紱縣遠冠位在諸王上加相國綠綬綬其驍騎大將軍揚州牧南徐州刺史如故丙午以中軍大將軍諱爲南豫州刺史齊公世子副貳相國綠綬綬庚戌臨川王綽謀反綽及黨與皆伏誅丁巳以齊國初建給錢五百萬布五千匹絹千匹夏四月壬申進齊公爵爲齊王增封十郡甲戌安西將軍武陵王贊薨丙戌命齊王冕十有二旒建天子旌旗出警入蹕乘金根車駕六馬備五時副車置旄頭雲罕樂僂八佾設鐘簾宮縣進世子爲太子王子王女王孫爵命之號壹如舊儀辛卯天祿永終禪位于齊壬辰帝遜位于東郊旣而遷居丹陽宮齊王踐阼封帝爲汝陰王待以不臣之禮行宋正朔上書不爲表答表不爲詔建元元年五月己未徂于丹陽宮時年十三諡曰順帝六月乙酉葬于遂寧陵

史臣曰聖王膺錄自非接胤承微則天歷不至也自三五以來受命之主莫不乘淪亡之極然後符樂推之運水德遷謝其來久矣豈止於區區汝陰揖禪而已哉

宋書卷十考證

順帝紀武陵王文學劉侯入直殿省○侯一本作候

宋書卷十考證

宋書卷十一

梁

沈

約

撰

志第一

律志序

左史記言右史記事春秋是也言則尚書是也至於楚書鄭志晉乘楚机之篇皆所以昭述前史傳不泯於後司馬遷制一家之言始區別名題至乎禮儀刑政有所不盡乃於紀傳之外別立八書片文隻事鴻纖備舉班氏因之靡違前式網羅一代條流遂廣律厯禮樂其名不變以天官爲天文改封禪爲郊祀易貨殖平準之稱革河渠溝洫之名綴孫卿之辭以述刑法采孟軻之書用序食貨劉向洪範殆自春秋劉歆七略儒墨異部朱贛博采風謠尤爲詳洽固並因仍以爲三志而禮樂疏簡所漏者多典章事數百不記一天文雖爲該舉而不言天形致使三天之說紛然莫辨是故蔡邕於朔方上書謂宜載述者也漢興接秦坑儒之後典墳殘缺耆生碩老常以亡逸爲慮劉歆七略固之藝文蓋爲此也河自龍門東注橫被中國每漂決所漸寄重災深堤築之功勞役天下且關洛高墪地少川源是故鎬鄠潁潁咸入禮典漳滏鄭白之饒溝渠沾漑之利皆民命所祖國以爲天溝洫立志亦其宜也世殊事改於今可得而略竊

以班氏律厯前事已詳自楊偉改創景初而魏書關志及元嘉重造新法大明博議回改自魏至宋宜入今書班固禮樂郊祀馬彪祭祀禮儀蔡邕朝會董巴輿服並各立志夫禮之所苞其用非一郊祭朝饗匪云別事旗章服物非禮而何今總而裁之同謂禮志刑法食貨前說已該隨流派別附之紀傳樂經殘缺其來已遠班氏所述止抄舉樂記馬彪後書又不備續至於八音衆器並不見書雖略見世本所闕猶衆爰及雅鄭謳謠之節一皆屏落曾無槩見郊廟樂章每隨世改雅聲舊典咸有遺文又案今鼓吹鑾歌雖有章曲樂人傳習口相師祖所務者聲不先訓以義今樂府鑾歌校漢魏舊曲曲名時同文字永異尋文求義無一可了不知今之鑾章何代曲也今志自郊廟以下凡諸樂章非淫哇之辭並皆詳載天文五行自馬彪以後無復記錄何書自黃初之始徐志肇義熙之元今以魏接漢式遵何氏然則自漢高帝五年之首冬暨宋順帝昇明二年之孟夏二辰大沴甲子無差聖帝哲王咸有瑞命之紀蓋所以神明寶位幽贊禎符欲使逐鹿弭謀窺覲不作握河括地緣文赤字之書言之詳矣爰逮道至天而甘露下德洞地而醴泉出金芝玄秬之祥朱草白鳥之瑞斯固不可誣也若夫衰世德爽而嘉應不息斯固天道茫昧難以數推亦由明主居上而震蝕之災不弭百靈咸順而懸象之應獨違今立符瑞志以補前史之闕地理參差事難該辨魏晉以來遷徙百計一郡分爲四五一縣割成兩三或昨屬荆豫今隸司兗朝爲零桂之士

夕爲廬九之民去來紛擾無暫止息版籍爲之渾淆職方所以不能記自戎狄內侮有晉東遷中土遺氓播徙江外幽并冀離兗豫青徐之境幽淪寇逆自扶莫而裹足奉首免身於荆越者百郡千城流寓比室人伧鴻鴈之歌士蓄懷本之念莫不各樹邦邑思復舊井旣而民單戶約不可獨建故魏邦而有韓邑齊縣而有趙民且省置交加日回月徙寄寓遷流迄無定詔邦名邑號難或詳書大宋受命重啟邊陲淮北五州翦爲寇境其或奔亡播遷復立郡縣斯則元嘉泰始同名異實今以班固馬彪二志晉宋起居凡諸記註悉加推討隨條辨析使悉該詳百官置省備有前說尋源討流於事爲易元嘉中東海何承天受詔纂宋書其志十五篇以續馬彪漢志其證引該博者卽而因之亦由班固馬彪遷共爲一家者也其有漏闕及何氏後事備加搜采隨就補綴焉淵流浩漫非孤學所盡足蹇途遙豈短策能運雖斟酌前史備覩妍媸而愛嗜異情取捨殊意每含毫握簡杼軸忘餐終亦不足與班左並馳董南齊嚮庶爲後之君子削藁而已焉

黃帝使伶倫自大夏之西阮隃之陰取竹之嶰谷生其竅厚均者斷兩節間而吹之以爲黃鍾之宮制十二管以聽鳳鳴以定律呂夫聲有清濁故協以宮商形有長短故檢以丈尺器有大小故定以斛斗質有輕重故平以鈞石故虞書曰乃同律度量衡然則律呂宮商之所由生也夫樂有器有文有情有官鐘鼓

千戚樂之器也屈伸舒疾樂之文也論倫無患樂之情也欣喜歡愛樂之官也是以君子反情以和志廣樂以成教故能情深而文明氣盛而化神和順積中而英華發外故曰樂者心之動也聲者樂之象也周

禮曰乃奏黃鐘歌大呂舞雲門以祀天神乃奏太簇歌應鐘舞咸池以祭地祇四望闕山川先祖各有其

樂又曰圖鐘爲宮黃鐘爲徵姑洗爲羽雷鼓雷鼗孤竹之管雲和之琴瑟雲門之舞冬日至於地上之圖

丘奏之若樂六變則天神皆降可得而禮矣地祇人鬼禮亦如之其可以感物興化若此之深也道始於

一一生二二生三三而九故黃鐘之數六分而爲雌雄十二鐘鐘以三成故置一而三之凡積分十七萬

七千一百四十七爲黃鐘之實故黃鐘位子主十一月下生林鐘林鐘之數五十四主六月上生太簇太

簇之數七十二主正月下生南呂南呂之數四十八主八月上生姑洗姑洗之數六十四主三月下生應

鐘應鐘之數四十三主十月上生蕤賓蕤賓之數五十七主五月上生大呂大呂之數七十六主十二月

下生夷則夷則之數五十主七月上生夾鐘夾鐘之數六十七主二月下生無射無射之數四十五主九

月上生中呂中呂之數六十主四月極不生極不生鍾律不能復相生宮生徵徵生商商生羽羽生角角生姑洗姑洗

生應鐘不比於正音故爲和姑洗三月應鐘十月不與正音比效爲和和徒聲也應鐘生蕤賓蕤賓不比於正音故爲繆繆音相干也周律故

有繆和爲武王伐紂七音日冬至音比林鐘浸以濁日夏至音比黃鐘浸以清以十二月律應二十四時甲子中呂之

徵也丙子夾鍾之羽也戊子黃鍾之宮也庚子無射之商也壬子夷則之角也古人爲度量輕重皆生乎

天道黃鍾之律長九寸物以三生三三九三九二十七故幅廣二尺七寸古之制也音以八相生故人長

八尺尋自倍故八尺而爲尋有形卽有聲音之數五以五乘八五八四十尺爲匹匹者中人之度也一匹

爲制秋分而禾稟定標禾穗芒也標定而禾孰律之數十二故十二標而當一粟十粟而當一寸律以當辰音

以當日日之數十故十寸而爲尺十尺爲丈其以爲重十二粟而當一分十二分而當一銖十二銖而當

半兩衡有左右因而倍之故二十四銖而當一兩天有四時以成一歲因而四之四四十六故十六兩而

一斤三月而一時三十日一月故三十斤而爲一鈞四時而一歲故四鈞而一石其爲音也一律而生五

音十二律而爲六十音因而六之六六三十六故三百六十音以當一歲之日故律厯之數天地之道也

下生者倍以三除之上生者四以三除之揚子雲曰聲生於日謂甲己爲角乙庚爲商丙辛爲徵丁壬爲羽戊癸爲宮律生於辰謂

爲黃鍾丑爲大呂之屬聲以情質質正也各以其行本情爲正也律以和聲當以律管鍾均和其清濁之聲聲律相協而八音生協和宮商角徵羽謂

之五聲金石匏革絲竹土木謂之八音聲和音諧是謂五樂夫陰陽和則景至律氣應則灰除是故天子

常以冬夏至御前殿合八能之士陳八音聽樂均度暑景候鍾律權土炭效陰陽冬至陽氣應則樂均清

景長極黃鍾通土炭輕而衡印夏至陰氣應則樂均濁景短極蕤賓通土炭重而衡低進退於先後五日

之中八能各以候狀聞太史令封上効則和否則占候氣之法爲室三重戶閉塗墍周密布緹幔室中以木爲案每律各一內庖外高從其方位加律其上以葭莩灰布其內端案厯而候之氣至者吹去散人及風所動者其灰聚殿中候用玉律十二唯二至乃候取弘農宜陽縣金門山竹爲灰三代陵遲音律失度漢興北平侯張蒼始定律厯孝武之世置協律之官元帝時郎中京房知五音六十律之數受學於小黃令焦延壽其下生上生終於中呂而十二律畢矣中呂上生執始執始下生去滅終於南事而六十律畢矣夫十二律之變至於六十猶八卦之變至於六十四也宓戲作易紀陽氣之初以爲律法建日冬至之聲以黃鐘爲宮太簇爲商姑洗爲角林鐘爲徵南呂爲羽應鐘爲變宮蕤賓爲變徵此聲氣之元五音之正也故各統一日其餘以次運行當日者各自爲宮而商角徵羽以類從焉禮運篇曰五聲六律十二管還相爲宮此之謂也以六十律分一晷之日黃鐘自冬至始及冬至而復陰陽寒煖風雨之占於是生焉房又曰竹聲不可以度調故作準以定數準之狀如瑟長丈而十三弦隱間九尺以應黃鐘之律九寸中夾一弦下有畫分寸以爲六十律清濁之節房言律詳其術施行於史官候部用之續漢志具載其律準度數

漢章帝元和元年待詔候鐘律殷彤上言官無曉六十律以準調音者故待詔嚴嵩具以準法教子男宣

願召宣補學官主調樂器詔曰嵩子學審曉律別其族協其聲者審試不得依託父學以聲爲聰聲微妙獨非莫知獨是莫曉以律錯吹能知命十二律不失一乃爲能傳嵩學耳試宣十二律其中四不中其六不知何律宣遂罷自此律家莫能爲準靈帝熹平六年東觀召典律者太子舍人張光等問準意光等不知歸闕舊藏乃得其器形制如房書猶不能定其絃緩急音不可以書曉人知之者欲教而無從心遠者體知而無師故史官能辨清濁者遂絕其可以相傳者唯候氣而已

舊律度

新律度

舊律分

新律分
新律小分
十三十六

黃鐘九寸

九寸

十七萬七千一百四十七

十七萬七千一百四十七

林鐘六寸

六寸一釐

十一萬八千九十八

十一萬八千二百
九十六二十五

太簇八寸

八寸二釐

十五萬七千四百六十四

十五萬七千八
百六十一十四

南呂五寸二分三釐

少

五寸三分六釐

少

十萬四千九百七十六

十萬五千五百七十二

姑洗七寸一分一釐

少

七寸一分五釐

少

十三萬九千九百六十八

十四萬七百六十二

應鐘四寸七分

四寸七分九釐

九萬三千三百一十二

九萬四千三百五十七

蕤賓六寸三分二釐

少

六寸三分八釐

少

十二萬四千四三十六

十二萬五千六十八

乾隆四年校刊

宋書卷十一律志

四

大呂八寸四分二釐

大強

八寸四分九釐

大強

十六萬五千八百八十八

十六萬七千二百七十八三十一

夷則五寸六分一釐

大強

五寸七分

弱

十一萬五百九十二

十一萬二千一百八十一二十一

夾鐘七寸四分九釐

少強

七寸五分八釐

十四萬七千四百五十六

十四萬九千二百四十四九

無射四寸九分九釐

半強

五寸九釐半

九萬八千三百四

十萬二百九十三十四

中呂六寸六分六釐

弱

六寸七分七釐

十三萬一千七十二

十三萬三千二百五十七二十五

黃鐘八寸八分八釐

弱

九寸

十七萬四千七百六十二

十七萬七千一百四十七

三分之二分二千四百八十四三分之一

論曰律呂相生皆三分而損益之先儒推十二律從子至亥每三之凡十七萬七千一百四十七而三約之是爲上生故漢志云三分損一下生林鐘三分益一上生太簇無射既上生中呂則中呂又當上生黃鐘然後五聲六律十二管還相爲宮今上生不及黃鐘實二千三百八十四九約實一千九百六十八爲一分此則不周九寸之律一分有奇豈得還爲宮乎凡三分益一爲上生三分損一爲下生此其大略猶周天斗分四分之一耳京房不思此意比十二律微有所增方引而伸之中呂上生執始執始下生去滅至於南事爲六十律竟復不合彌益其疎班氏所志未能通律呂本源徒削角爲觸徵爲祉陽氣施種於